

(ciep banjdaez)

Lij Gwzgyangz youq ndaw baugau ceijok, raeuz haeujlaeg gvancez gij gezcwz baijbouh aen dangjcunghyangh aeu Siz Ginbingz dungzci guh vaedsim haenx, gvancez doeksaed gij cing-saenz Aenhoih Hong Ginghci Cunghyangh, caezcienz, cinjdeng, cienzmienh gvancez leixniemh hwnghung goekrag saeddaej ginghci; giendingh saedhengz aen canloz gyalai baihndaw siuyungh, doicaenh gizdieg hezdiuz hwnghung caeuq cwnghungzcinva yienghmoq; haenqrengz ca ndei nungzyez swnghcanj, coicaenh lajmbanj cienzmienh saenqhwngh; gyalai doiqrog hailangh suijsingz ndei, doidoengh vaimou vaiswh bingzonj hwnghung; laebdaeb gajndeidei swnghdai vanzging, doidoengh hwnghung saekheu danq noix; cietsaed baujcanj caeuq gajndeidei swnghhohz beksingq, gyagiengz caeuq cauhoq sevei ceihleix.

Ndaw baugau, Lij Gwzgyangz lij lwnghangj le gyagiengz hwnghung bonjndang cwnghung, hong minzcuz, cunghgyau caeuq gyauzvu, hwnghung guekfuengz caeuq bingdoi, Yanggangj, Aumwnz hwnghung caeuq song hamq gvanhaeh, nem vaigyauh cwnghungz guek raeuz daengj.

Ciuq aenhoih anbaiz, aenhoih saemjcaz Gozvuyen mizgven 2021 nienz gominz ginghci caeuq sevei hwnghung dajveh caephengz cingzgvang caeuq 2022 nienz gominz ginghci caeuq sevei hwnghung dajveh caujanq baugau nem 2022 nienz gominz ginghci caeuq sevei hwnghung dajveh caujanq, Gozvuyen mizgven 2021 nienz cunghyangh caeuq deihfueng yawhsuenq caephengz cingzgvang caeuq 2022 nienz cunghyangh caeuq deihfueng yawhsuenq caujanq baugau nem 2022 nienz cunghyangh caeuq deihfueng yawhsuenq caujanq.

Ndaej daengz Daengx Guek Yinzda Cangzveijvei anbaiz, Daengx Guek Yinzda Cangzveijvei fuveijyenzcangj Vangz Cinz faenbied naeuz gij gangjmingz mizgven gak gaep yinzda daibyauj davei caeuq deihfueng gak gaep yinzminz cwnghung cujczfaz coihgaj caujanq, gij gangjmingz mizgven Cibseiq Gaiq Daengx Guek Yinzda daibyauj mingzngg caeuq senjgij vwndiz gietdingh caujanq, gij gangjmingz mizgven Yangghangj Daegbied Hingzcwnghgij senjgij Cibseiq Gaiq Daengx Guek Yinzda daibyauj banhfap caujanq, gij gangjmingz mizgven Aumwnz Daegbied Hingzcwnghgij senjgij Cibseiq Gaiq Daengx Guek Yinzda daibyauj banhfap caujanq.

Gij gangjmingz mizgven gak gaep yinzda daibyauj davei caeuq deihfueng gak gaep yinzminz cwnghung cujczfaz coihgaj caujanq ceijok, deihfueng cujczfaz dwg gij gihbwnj fapld aen cidu guhhong caeuq cujcz mizgven deihfueng yinzda, deihfueng cwnghung, dwg gij saedhengz laebfap mizgven deihfueng cwnghung hwnghung gvidingh fapguek, dwg gij cidu baujcanj youqgaenj deihfueng gak

gaep guekgya genlziz gihgvanh, hingzcwngh gihgvanh hengz cizgenz, hengz cizcwz. Cibbet Daih Dangj doxdaeuj, aen dangjcunghyangh aeu Siz Ginbingz dungzci guh vaedsim haenx gig yawjnaek guhhong caeuq hwnghung guekgya cwnghung gihgvanh, guh'ok baenzroix baijbouh hungnaek, doicaenh baenzroix hong hungnaek, aeundaej baenzroix cwnghungzgoj hungnaek. Gvancez fapceih swhsienj Siz Ginbingz, gij swhsienj youqgaenj mizgven baujmaenh caeuq laebndei aen cidu yinzminz daibyauj davei Siz Ginbingz cunghung, doeksaed gij gezcwz baijbouh hungnaek aen dangjcunghyangh caeuq gij cing-saenz Aenhoih Hong Yinzda Cunghyangh, miz aeuyungh couh nyinhcaen cunghung saedguh gingniemh, coihgaj laebndei deihfueng cujczfaz. Caujanq gungh 48 diuz, cujyau coihgaj neiyungz baugvat: Cungsad "cunghung" it cieng neiyungz; laebndei gij cujcz, cizgenz daengj mizgven gvidingh deihfueng gak gaep yinzda caeuq aen cangzveijvei de; laebndei gij cujcz, cizgenz daengj mizgven gvidingh deihfueng gak gaep yinzminz cwnghung; hab'wngq aen dijci gamcaz gajgwz aeuyungh gyalai mizgven neiyungz; dinghmingz aen gihci gizdieg doxgap hwnghung; cungsad cukmaenh gij eijsik caezcaemh Cunghvaz Minzcuz daengj neiyungz caemhcaiq laebndei mizgven gvidingh.

Gij gangjmingz mizgven Cibseiq Gaiq Daengx Guek Yinzda daibyauj mingzngg caeuq senjgij vwndiz gietdingh caujanq ceijok, ciuq fapguek caeuq mizgven fapld gvidingh, Daihcibsam Gaiq Daengx Guek Yinzminz Daibyauj Davei daengz 2023 nienz 3 nyied nyaemhgeiz muenxsat, Daihcibseiq Gaiq Daengx Guek Yinzminz Daibyauj Davei daibyauj wnggai 2023 nienz 1 nyied senjok. Guh ndei hong senjgij daengx guek yinzda daibyauj, dwg gienh saeh hung ndaw cwnghung swnghhohz dangj caeuq guekgya, doiq gyamaenh gij giekdaj dangj ciengzgeiz dawzgienz, gyagiengz hwnghung cwnghung guekgya, hwnghung daengx gocwngh beksingq minzcuj, baumaenh caeuq laebndei aen cidu yinzminz daibyauj davei, doicaenh guekgya ceihleix dihi caeuq ceihleix naengzlig yendaiva, gietcomz dungxcaiz caeuq rengz gak fuengmienh cienzmienh hwnghung sevei cuji yendaiva guekgya, miz yiyouqgaenj. Ciuq fapguek, fapsenjgij mizgven gvidingh, youq gwnz giekdaj gyangqlangh cam'aeu gak mizgven fuengmienh yigen, Aenhoih Daengx Guek Yinzda Cangzveijvei Veijyenzcangj ngeixdingh Cibsam Gaiq Daengx Guek Yinzda Aenhoih Baez Haj mizgven Cibseiq Gaiq Daengx Guek Yinzda daibyauj mingzngg caeuq senjgij vwndiz gietdingh caujanq, youq 2021 nienz 12 nyied gyau hawj Cibsam Gaiq Daengx Guek Yinzda Cangzveijvei Aenhoih Baez Daih Samcib Ngeih guh saemjlnh,

aenhoih gietdingh gyau hawj Cibsam Gaiq Daengx Guek Yinzda Aenhoih Baez Haj saemjlnh.

Gij gangjmingz mizgven Yangghangj Daegbied Hingzcwnghgij senjgij Cibseiq Gaiq Daengx Guek Yinzda daibyauj banhfap caujanq caeuq gij gangjmingz mizgven Aumwnz Daegbied Hingzcwnghgij senjgij Cibseiq Gaiq Daengx Guek Yinzda daibyauj banhfap caujanq ceijok, ciuq fapsenjgij gvidingh, Yangghangj Daegbied Hingzcwnghgij, Aumwnz Daegbied Hingzcwnghgij gij banhfap wngqsenj daengx guek yinzda daibyauj mingzngg caeuq daibyauj, youz Daengx Guek Yinzminz Daibyauj Davei linghvaih gvidingh. Vihneix, youq gaj daengx guek yinzda neix nyaemhgeiz muenxsat gaxgonq, aeu dingh gij banhfap Yangghangj, Aumwnz senjgij Cibseiq Gaiq Yinzda daibyauj. Ciuq mizgven hong anbaiz, Daengx Guek Yinzda Cangzveijvei Fazgunghvei, Gangj Au Gihbwnj Fazveij caeuq cunghyangh mizgven bouhmonz caezcaemh yenzgiu dajgauj le gij banhfap caujanq Yangghangj Daegbied Hingzcwnghgij, Aumwnz Daegbied Hingzcwnghgij senjgij Cibseiq Gaiq Yinzda daibyauj, caemhcaiq cam gij yigen Yangghangj Daegbied Hingzcwnghgij hingzcwngh cangjgvanh, Aumwnz Daegbied Hingzcwnghgij hingzcwngh cangjgvanh, Yangghangj Daegbied Hingzcwnghgij caeuq Aumwnz Daegbied Hingzcwnghgij daengx guek yinzda daibyauj, daengx guek cwnghung veijyenz.

Youq cujsizdaiz naengh lijimiz: Dingh Seziengz, Liuz Hoz, Hij Gizlieng, Sunh Cunhlanz, Lij Hih, Lij Gyangz, Lij Hungzcungh, Yangz Gezciz, Yangz Yaujdu, Cangh Youyaz, Cinz Hih, Cinz Cenzgoz, Cinz Minjw, Huz Cunhvaz, Goz Swnghgunh, Vangz Gunhmingz, Cai Giz, Youz Genz, Veifunghoz, Vangz Yungj, Vangz Yi, Siuh Gez, Cau Gwzci, Couh Gyangz, Cangh Ginh, Cangh Gingliz, Liuz Gizbauj, Baballah • Gwzlezlanggeiz, Van Gangh, Hoz Houvaz, Luz Canjgungh, Maj Byauh, Cinz Yaujgvangh, Liengz Cinyingh, Ya Baujlungz, Lij Binh, Bahdwzj, Vangh Yungjcingh, Hoz Lizfungh, Suh Veih, Cwngh Genbangh, Guh Swngcuj, Liuz Sinhcnghz, Hoz Veiz, Sau Hungz, Gauh Yinzlungz, caeuq Cunghyangh Ginhveij veijyenz Lij Cozcwnghz, Myauz Vaz, Cangh Swnghminz daengj.

Aumwnz Daegbied Hingzcwnghgij hingzcwngh cangjgvanh Ho Yizcwnghz lezsiz aenhoih caemhcaiq youq cujsizdaiz naengh.

Cwnghung veijyenz camgya Daengx Guek Cwnghung Gaiq Cibsam Baez Hoih Daihhaj lezsiz aenhoih.

Cunghyangh caeuq guekgya gihgvanh mizgven bouhmonz, gajfangginh mizgven danhvei, gak yinzminz donzdij mizgven bounfucwz lezsiz roxnaeuz youq henz dingq hoih.

Gyongq sijcez guekrog youq Cungguek haenx youq henz dingq hoih.

Lij Gwzgyangz youq ndaw baugau ceijok, haengjidingh cingzcik doengzseiz, raeuz hix singjsag yawjraen gij vwndiz caeuq deuqnyex bungzdaengz. Aeu gyagiengz gij eijsik cainanh, mbouj ndojdeuz vwndiz deuqnyex, haenqrengz bae guh hong, doiq ndaiej hwnj beksingq maqmuengh.

Lij Gwzgyangz youq ndaw baugau daezok, 2022 nienz hwnghung cujyau yawhgeiz moegbiu dwg: Ndawguek swnghcanj cunghung demmaj 5.5% baedauq; hawsingz gyalai couhnieb 1100 fanh boun doxhwnj, hawsingz diucaz saetnieb cingzsoq daengx bi guenjhanh youq ndaw 5.5%; gihminz siuhfei gyaqcienz demmaj 3% baedauq; gihminz souhaeuj demmaj caeuq ginghci demmaj gihbwnj caemhyamq; cincuzgouj baujonj daezcaet, gozci haeujok gihbwnj bingzbag; haeuxgwn baenzsou baumaenh youq 1.3 fanh ik gaen doxhwnj; swnghdai vanzging caetliengh laebdaeb gajndeidei, doxgaiquqlah cujyau soq baizcuengq laebdaeb gyangqdaemq; aen moegbiu siedbae naengzliengh youq ndaw duenh gviveh "cibseiq haj" dungjcouz gaujhaed, gyalai nwnghyenz dauq maj ndaiej caeuq yungh yienzliuh mbouj gyahaeuj nwnghyenz siuhfei cunghlieng guenjhanh bae.

Lij Gwzgyangz youq ndaw baugau ceijok, 2022 nienz aeu netsaet guh ndei gak hangh hong: Haenqrengz onjdingh hungzgvanh ginghci daihbuenz, baumaenh ginghci yinhhengz youq aen duenh hableix; haenqrengz